



Inatsisartunut ilaasortamut
Aqqa Samuelsenimut
Inuit Ataqatigiit

Utoqqalinersiallit amerlassusiisa ineriartornerat pillugu § 37 naapertorlugu apeqqummut nr. 2019-331-imut akissut

31-10-2019
Suliap normua 2019 - 23168
Akt. id. 11940234

Asasara Aqqa Samuelsen

Postboks 260
3900 Nuuk

Apeqqutinnut qujanaq.

Tlf. (+299) 34 50 00

Fax (+299) 34 66 66

E-mail: iian@nanoq.gl

www.naalakkersuisut.gl

1. Inuit utoqqalinersiaqarsinnaasut qassiuppat?

2018-imi decemberimi ukioq naallugu toqqammaviusumik utoqqalinersisartut 3.770-iupput. Ukioq naallugu tiguisartut amerlassusaannik pitsaanerpaamik takutitsinissaq siunertaralugu decemberimi tiguisartut qassiunersut kisinneqarnerat nalunaarutigineqarpoq.

1.1 Taakkunanga inuit tunngaviusumik utoqqalinersianik pisartagallit qassiuppat?

2018-imi decemberimi ukioq naallugu toqqammaviusumik utoqqalinersisartut 3.770-iupput.

1.2 Taakkunganna inuit utoqqalinersianut tapinik pisartagallit qassiuppat?

2018-imi decemberimi ukioq naallugu utoqqalinersianut tapinik pisartut 3.023-iupput.

2. Ukiut tallimat qaangiuppata ullumikkut inatsit malillugu inuit utoqqalinersiaqarsinnaasut qassiunissaat ilimagineqarpa?

Utoqqalinersiallit isertitaat Naalakkersuisut siumut naatsorsorneq ajorpaat. Tamatumalu malitsigisaanik siunissami utoqqalinersiallit akornanni isertitarineqartussat qanoq agguataarneqassanersut ilisimaneqanngilaq. Siunissami utoqqalinersiallit amerlanerusut pensioneqalernissaminnut ileqqaagaqassasut naatsorsuutigineqarpoq. Siunissami isertitarineqartut agguataarnerat allangussasoq naatsorsuutigineqarpoq, taamaalilluni utoqqalinersiallit amerlanerusunik isertitaqarnissaat naatsorsuutigineqarluni. Kisianni qanoq annertutiginissaa ilisimaneqanngilaq. Taamaamat ukiut 5 imaluunniit 10 qaangiuppata toqqammaviusumik pensionisiat pensionisianullu tapit allangortinneqarnerat qanoq akeqassanersoq akineqarsinnaanngilaq. Aammattaaq utoqqalinersiallit qassit toqqammaviusumik pensionisianik assigiinngitsunik imaluunniit pensionisianut tapinik tiguisartuussanersut oqaatigineqarsinnaanngilaq.

2.1 Taakkunannga inuit tunngaviusumik utoqqalinersianik pisartagallit qassiunissaat ilimagineqarpa?

Apeqqummut 2-mut akissut takuuk

2.2 Taakkunganna inuit utoqqalinersianut tapinik pisartagallit qassiunissaat ilimagineqarpa?

Apeqqummut 2-mut akissut takuuk

3. Ukiut qulit qaangiuppata ullumikkut inatsit malillugu inuit utoqqalinersiaqarsinnaasut qassiunissaat ilimagineqarpa?

Apeqqummut 2-mut akissut takuuk

3.1 Taakkunannga inuit tunngaviusumik utoqqalinersianik pisartagallit qassiunissaat ilimagineqarpa?

Apeqqummut 2-mut akissut takuuk

3.2 Taakkunganna inuit utoqqalinersianut tapinik pisartagallit qassiunissaat ilimagineqarpa?

Apeqqummut 2-mut akissut takuuk

4. Tunngaviusumik utoqqalinersiat Danmarmiki tunngaviusumik utoqqalinersiaasartut annertussusaannut qaffanneqassappata, tamanna nunatta karsianut qanoq sunniuteqassava?

Kalaallit Nunaanni 2018-imi toqqammaviusumik pensionisiat ukiumut 61.201 kr.-iupput. Danmarkimi toqqammaviusumik pensionisiat ukiumut 74.844 kr.-iullutik. Taamaammat toqqammaviusumik pensionisiat 13.643 kr.-inik qaffanneqassapput, tamatumalu ilanngaattissat ilanngaatigereerlugu ukiumut aningaasartuutissat 28,6 mio. kr.-iunissaat kingunerissavaa. Ukioq 2018 assersuutitut qinerneqarpoq, tassami utoqqalinersianut aningaasartuutit ilisimaneqartut kingulliit 2018-imeersuummata.

4.1 Taamaaliortoqassappat ukiut tallimat qaangiuppata, tamanna nunatta karsianut qanoq sunniuteqassava?

Apeqqummut 2-mut akissut takuuk

4.2 Taamaaliortoqassappat ukiut qulit qaangiuppata, tamanna nunatta karsianut qanoq sunniuteqassava?

Apeqqummut 2-mut akissut takuuk

5. Utoqqalinersianut tapit Danmarkimi utoqqalinersianut tapit annertussusaannut qaffanneqassappata, tamanna nunatta karsianut

qanoq sunniuteqassava?

Kalaallit Nunaanni kisermaanut utoqqalinersialinnullu aappariinnut ukiumut pensionisianut tapit, taama malittariillutik, 75.915 kr.-iupput aamma 42.198 kr.-iullutik. Danmarkimi kisermaanut aappariinnullu utoqqalinersiutisisartunut akigititaq, taama malittariillutik, 80.736 kr.-iupput aamma 39.996 kr.-iullutik. Pensionisianut tapit taamaalillutik, taama malittariillutik, 4.821 kr.-nik qaffassapput aamma 2.202 kr.-inik appassapput. Aningaasaqarnermut Naalackersuisoqarfik malillugu tamanna ukiumut ilanngaatisat ilanngaatigereerlugit 7 mio. kr.-it missaannik aningaasartuutaanerussaaq. Ukioq 2018 assersuutitut qinerneqarpoq, tassami utoqqalinersianut aningaasartuutit ilisimaneqartut kingullit 2018-imeersuummata.

5.1 Taamaaliortoqassappat ukiut tallimat qaangiuppata, tamanna nunatta karsianut qanoq sunniuteqassava?

Apeqqummut 2-mut akissut takuuk

5.2 Taamaaliortoqassappat ukiut qulit qaangiuppata, tamanna nunatta karsianut qanoq sunniuteqassava?

Apeqqummut 2-mut akissut takuuk

6. Naalackersuisut qinigaaffimmi matumani utoqqalinersiaqalertarnermut ukiorititat qaffakkiartornerisa ilutigisaanik sulii qaffaaqqikkumaarnissamik pilersaaruteqarpat?

Qinigaaffimmi matumani inatsimmi akuersissutaareersup saniatigut utoqqalinersiaqalersinnaanermut ukioritinneqartut qaffannissaat massakkuugallartoq Naalackersuisut pilersaarutigingilaat.

Inussiarnersumik inuulluaqqusillunga


Martha Abelsen